

# বীরাঙ্গনা কাব্য — সূচিপত্র

মাইকেল মধুসূদন দত্ত



১৮৬১


01/20/19 তারিখে উইকিসংকলন থেকে রপ্তানিকৃত

- [প্রথম সর্গ-শকুন্তলাপত্রিকা](#)
- [দ্বিতীয় সর্গ-তারাপত্রিকা](#)
- তৃতীয় সর্গ-রুক্মিণীপত্রিকা
- চতুর্থ সর্গ
- পঞ্চম সর্গ
- ষষ্ঠ সর্গ
- সপ্তম সর্গ
- অষ্টম সর্গ
- নবম সর্গ
- বীরঙ্গনা কাব্য/একাদশ সর্গ



এই লেখাটি ১ জানুয়ারি ১৯২৩ সালের পূর্বে প্রকাশিত এবং বিশ্বব্যাপী [পাবলিক ডোমেইনের](#) অন্তর্ভুক্ত, কারণ উক্ত লেখকের মৃত্যুর পর কমপক্ষে ১০০ বছর অতিবাহিত হয়েছে অথবা লেখাটি ১০০ বছর আগে প্রকাশিত হয়েছে।

[শকুন্তলা বিশ্বামিত্রের ঔরসে ও মেনকা নাম্নী অঙ্গরার গর্ভে জন্মগ্রহণ করিয়া, জনক-জননী কর্তৃক শৈশবাবস্থায় পরিত্যক্ত হওয়াতে, কণ্ঠমুনি তাঁহাকে প্রতিপালন করেন। একদা মূনিবরের অনুপস্থিতিতে রাজা দুষ্মন্ত মৃগয়াপ্রসঙ্গে তাঁহার আশ্রমে প্রবেশ করিলে, শকুন্তলা রাজ-অতিথির যথাবিধি অতিথিসংস্কার সম্পন্ন করিয়াছিলেন। রাজা দুষ্মন্ত শকুন্তলার অসাধারণ রূপলাবণ্যে বিমোহিত হইয়া, এবং তিনি যে ক্ষত্রকুলোদ্ভবা, এই কথা শুনিয়া তাঁহার প্রতি প্রেমাসক্ত হন। পরে রাজা তাঁহাকে গুপ্তভাবে গান্ধববিধানে পরিণয় করিয়া স্বদেশে প্রত্যাগমন করেন। রাজা দুষ্মন্ত, স্বরাজ্যে গমনান্তর, শকুন্তলার কোন তত্ত্বাবধান না করাতে, শকুন্তলা রাজসমীপে এই নিম্নলিখিত পত্রিকাখানা প্রেরণ করিয়াছিলেন। ]



বন-নিবাসিনী দাসী নমে রাজপদে,  
রাজেন্দ্র! যদিও তুমি ডুলিয়াছ তारे,  
ডুলিতে তোমারে কভু পারে কি অভাগী?

হায়! আশামদে মত্ত আমি পাগলিনী!  
হেরি যদি ধূলারাশি, হে নাথ আকাশে;  
পবন-স্বনন যদি শুনি দূর বনে;  
অমনি চমকি ভাবি, - মদকল করী,  
বিবিধ রতন অঙ্গে, পশিছে আশ্রমে,  
পদাতিক, বাজীরাজী, সুরথ সারথি,  
কিঙ্কর, কিঙ্করী সহ! আশার ছলনে,  
প্রিয়স্বদা, অনসূয়া, ডাকি সখীদ্বয়ে,  
কহি 'হ্যাদে দেখ, সহ, এতদিনে আজি  
স্মরিলো লো প্রাণেশ্বর এ তাঁর দাসীরে!  
ওই দেখ, ধূলারাশি উঠিছে গগনে!  
ওই শোন কোলাহল! পুরবাসী যত  
আসিছে লইতে মোরে নাথের আদেশে!'  
নীরবে ধরিয়া গলা কাঁদে প্রিয়স্বদা;  
কাঁদে অনসূয়া সহ বিলাপি বিষাদে!

দ্রুতগতি ধাই আমি সে নিকুঞ্জবনে,  
যথায়, হে মহীনাথ, পূজিনু প্রথমে  
পদযুগ; চারিদিকে চাহি ব্যগ্রভাবে।  
দেখি প্রফুল্লিত ফুল, মুকুলিত লতা;  
শুনি কোকিলের গীত, অলির গুঞ্জর,  
শ্রোতোনাদ; মরমরে পাতাকুল নাচি;  
কুহরে কপোত, সুখে বৃক্ষশাখে বসি,  
প্রেমালাপে কপোতীর মুখে মুখ দিয়া।

সুধি গঞ্জি ফুলপুঞ্জ; ‘বে নিকুঞ্জশোভা,  
কি সাধে হাসিস তোরা? কেন সমীরণে  
বিতরিস আজি হেথা পরিমল সুধা?’  
কহি পিকে- ‘কেন তুমি, পিককুল-পতি,  
এ স্বরলহরী আজি বরিষ এ বনে?  
কে করে আনন্দধ্বনি নিরানন্দকালে?  
মদনের দাস মধু; মধুর অধীনে  
তুমি; সে মদন মোহে যার রূপ গুণে,  
কি সুখে গাও হে তুমি তাঁহার বিরহে?’  
অলির গুঞ্জর শুনি ভাবি মৃদুস্বরে  
কাঁদিছেন বনদেবী দুঃখিনীর দুঃখে!  
শুনি শ্রোতোনাদ ভাবি- গম্ভীর নিনাদে  
নিদ্দিছেন বনদেব তোমায়, নৃমণি,-  
কাঁপি ভয়ে- পাছে তিনি শাপ দেন রোষে।  
কহি পত্রে,- ‘শোন; পত্রে,- সরস দেখিলে  
তোরে, সমীরণ আসি নাচে তোরে লয়ে  
প্রেমামোদে, কিন্তু যবে শুখাইস কালে  
তুই, ঘৃণা করি তোরে তাড়ায় সে দূরে;-  
তেমনি দাসীরে কিবে ত্যজিলা নৃপতি?’

মুদি পোড়া আঁখি বসি রসালের তলে;  
ভ্রান্তিমদে মাতি ভাবি পাইব সঙ্ঘরে  
পাদপদ্ম! কাঁপে হিয়া দুরুদুরু করি  
শুনি যদি পদশব্দ! উল্লাসে উন্মীলি  
নয়ন, বিষাদে কাঁদি হেরি কুরঙ্গীরে!  
গালি দিয়া দূর তোরে করি করাঘাতে!  
ডাকি উচ্চে অলিরাজে, কহি,- ‘ফুলসখে  
শিলীমুখ, আসি তুমি আক্রম গুঞ্জরি  
এ পোড়া অধর পুনঃ । রক্ষিতে দাসীরে  
সহসা দিবেন দেখা পুরুকুলনিধি!’

কিন্তু বৃথা ডাকি, কান্ত। কি লোভে ধাইবে  
আর মধুলোভী অলি এ মুখ নিরখি,-  
শুখাইলে ফুল, কবে কে আদরে তারে?

কাঁদিয়া প্রবেশি, প্রভু, সে লতামঞ্জুপে,  
যথায় ভাবিয়া দেখ, পড়ে যদি মনে,  
নরেন্দ্র; যথায় বসি, প্রেমকুতূহলে,  
লিখিল কমলদলে গীতিকা অভাগী;-  
যথায় সহসা তুমি প্রবেশি, জুড়ালে  
বিষম বিরহজ্বালা! পদ্মপর্ণ নিয়া  
কত যে কি লিখি নিত্য কব তা কেমনে?  
কভু প্রভঞ্জে কহি কৃতাঞ্জলিপুটে;-  
'উড়ায়ে লেখন মোর, বায়ুকুলরাজা,  
ফেল রাজপদতলে যথা রাজালায়ে  
বিবাজেন রাজাসনে রাজকুলমণি!'  
সম্বোধি কুরঙ্গে কভু কহি শূন্যমনে;-  
'মনোরথ-গতি তোরে দিয়াছেন বিধি,  
কুরঙ্গ! লেখন লয়ে যা চলি সত্ত্বরে  
যথায় জীবিতনাথ! হয় মরি আমি  
বিরহে। শৈশবে তোরে পালিনু যতনে;  
বাঁচা রে এ পোড়া প্রাণ আজি কৃপা করি!'

আর যে কি কই কারে, কি কাজ কহিয়া,  
নরেশ্বর? ভাবি দেখ পড়ে যদি মনে,  
অনসূয়া প্রিয়স্বদা সখীদ্বয় বিনা,  
নাহি জন জানে, হয়, এ বিজন বনে  
অভাগীর দুঃখ-কথা। এ দুজন যদি  
আসে কাছে মুছি আঁখি অমনি; কেননা  
বিবশা দেখিলে মোরে রোষে ঋষিবালা,  
নিন্দে তোমা, হে নরেন্দ্র, মন্দ কথা কয়ে!-

বজ্রসম অপবাদ বাজে পোড়া বুকে।  
ফাটি অন্তরিত রাগে- বাক্য নাহি ফোটে!

আর আর স্থল যত,- কাঁদিয়া কাঁদিয়া  
ভ্রমি সে সকল স্থলে! যে তরুর মূলে  
গান্ধববিবাহচ্ছলে ছলিলে দাসীরে,  
যে নিকুঞ্জ ফুলশয্যা সাজাইয়া সাধে  
সেবিল চরণ দাসী কানন-বাসরে,-  
কি ভাব উদয়ে মনে, দেখ মনে ভাবি,  
ধীমান, যখন পশি সে নিকুঞ্জধামে!—  
হে বিধাতঃ, এই কি বে ছিল তোর মনে?  
এই কি বে ফলে ফল প্রেমতরু-শাখে?

এইরূপে ভ্রমি নিত্য আমি অনাথিনী,  
প্রাণনাথ! ভাগ্যে বৃদ্ধা গৌতমী তাপসী  
পিতৃস্বসা,-- মনঃ তার রত তপজপে;  
তা না হলে সর্বনাশ অবশ্য হইত  
এত দিনে। নাহি সাধ বাঁধিতে কবরী  
ফুলরঞ্জে আর, দেব! মলিন বাকলে  
আবরি মলিন দেহ; নাহি অগ্নে রুচি;  
না জানি কি কহি কারে, হায়, শূন্যমনে!  
বিষাদে নিঃশ্বাস ছাড়ি, পড়ি ভূমিতলে,  
হারাই সতত জ্ঞান; চেতন পাইয়া  
মেলি যবে আঁখি, দেখি তোমায় সম্মুখে!  
অমনি পসারি বাহু ধাই ধরিবারে  
পদযুগ, না পাইয়া কাঁদি হাহারবে!  
কে কবে, কি পাপে সহি হেন বিড়ম্বনা!  
কি পাপে পীড়েন বিধি, শুধিব তা কারে?

দয়া করি প্রভু যদি বিরামদায়িনী



নিদ্রা, সুকোমল কোলে, দেন স্থান মোরে,  
কত যে স্বপনে দেখি, কব তা কেমনে?  
স্বর্ণরত্ন-সংঘটিত দেখি অট্টালিকা;  
দ্বিরদ-রদ-নির্মিত দুয়ারে দুয়ারী  
দ্বিরদ; সুবর্ণাসন দেখি স্থানে স্থানে;  
ফুলশয্যা; বিদ্যাধরী-গঞ্জিনীকিঙ্করী;  
কেহ গায়, কেহ নাচে; যোগায় আনিয়া  
বিবিধ ভূষণ কেহ; কেহ উপাদেয়  
রাজভোগ! দেখি মুক্তা মণি রাশি রাশি,  
অলকা-সদনে যেন! শুনি বীণা-ধ্বনি;  
গন্ধামোদে মাতে মনঃ, নন্দন-কাননে-  
(শুনেছি এ কথা, নাথ, তাত কণ্ঠমুখে)  
নন্দন-কাননাত্তরে বসন্ত যেমনি!  
তোমায়, নৃমণি, দেখি স্বর্ণসিংহাসনে!  
শিরোপরি রাজছত্র; রাজদণ্ড হাতে,  
মণ্ডিত অমূল-রত্নে; সসাগরা ধরা,  
রাজকর করে, নত রাজীব-চরণে!  
কত যে জাগিয়া কাঁদি কব তা কাহারে?

জানে দাসী, হে নরেন্দ্র, দেবেন্দ্র-সদৃশ  
ঐশ্বর্য, মহিমা তব; অতুল জগতে  
কুল, মান ধনে তুমি, রাজকুল পতি!  
কিন্তু নাহি লোভে দাসী বিভব! সেবিবে  
দাসীভাবে পা দুখানি- এই লোভ মনে,-  
এ চির-আশা, নাথ, এ পোড়া হৃদয়ে!  
বন-নিবাসিনী আমি, বাকল-বসনা,  
ফলমূলাহারী নিত্য, নিত্য কুশাসনে  
শয়ন; কি কাজ, প্রভু, রাজসুখ-ভোগে?  
আকাশে করেন কেলি লয়ে কলাধরে  
বোহিণী; কুমুদী তাঁরে পূজে মর্ত্যতলে!

কিঙ্করী করিয়া মোরে রাখ রাজপদে।

চির অভাগিনী আমি! জনক জননী  
ত্যজিলা শৈশবে মোরে, না জানি, কি পাপে?  
পরানে বাঁচিল প্রাণ- পরের পালনে!  
এ নব যৌবন এবে ত্যজিলা কি তুমি,  
প্রাণপতি? কোন দোষে, কহ, কান্ত, শূনি,  
দাসী শকুন্তলা দোষী ও চরণ-যুগে?

এ মনে যে সুখ-পাখী ছিল বাসা বাঁধি,  
কেন ব্যাধবেশে আসি বধিলে তাহারে,  
নরাধিপ? শুনিয়াছি রথীশ্রেষ্ঠ তুমি,  
বিখ্যাত ভারতক্ষেত্রে ভীম বাহুবলে;  
কি যশঃ লভিলা, কহ, যশস্বি, বিনাশি-  
অবলা কুলের বালা আমি- সুখ মম!  
আসিবেন তাত কণ্ঠ ফিরি বনে বনে;  
কি কব তাঁহারে, নাথ, কহ, তা দাসীরে?  
নিদে অনসূয়া যবে মন্দ কথা কয়ে,  
অপবাদে প্রিয়স্বদা তোমায়,- কি বলে?  
বুঝাবে এ দোঁহে দাসী, কহ তা দাসীরে?  
কহ কি বলিয়া, দেব, হয়, বুঝাইব  
এ পোড়া পরাণ আমি- এ মিনতি পদে!

বনচর চর, নাথ! না জানি কিরূপে  
পবেশিবে রাজপুরে রাজ-সভাতলে?  
কিন্তু মজ্জমান জন, শুনিয়াছি, ধরে  
তুণে, আর কিছু যদি না পায় সম্মুখে!  
জীবনের আশা, হয়, কে ত্যজে সহজে!

ইতি শ্রীবীরামনাকাব্যে শকুন্তলাপত্রিকা নাম প্রথম সর্গ।



[যৎকালে সোমদেব অর্থাৎ চন্দ্র বিদ্যাধ্যয়ন করণাভিলাষে দেবগুরু বৃহস্পতির  
আশ্রমে বাস করেন, গুরুপত্নী তারাদেবী তাঁহার অসামান্য সৌন্দর্য সন্দর্শনে  
বিমোহিতা হইয়া তাঁহার প্রতি প্রেমাসক্ত হন। সোমদেব, পাঠ সমাপনাতে  
গুরুদক্ষিণা দিয়া বিদায় হইবার বাসনা প্রকাশ করিলে, তারাদেবী আপন  
মনের ভার আর প্রচ্ছন্নভাবে রাখিতে পারিলেন না, ও সতীস্বধর্মে জলাঞ্জলি  
দিয়া সোমদেবকে এই নিম্নলিখিত পত্রখানি লিখেন। সোমদেব যে এতাদৃশী  
পত্রপাঠে কি করিয়াছিলেন, এ স্থলে তাহার পরিচয় দিবার কোন প্রয়োজন  
নাই। পুরাণজ্ঞ ব্যক্তিমাত্রেই তাহা অবগত আছেন।]

কি বলিয়া সম্বোধিবে, হে সুধানশুনিধি,-  
তোমারে অভাগী তারা? গুরুপত্নী আমি  
তোমার, পুরুষরত্ন; কিন্তু ভাগ্যদোষে,  
ইচ্ছা করে দাসী হয়ে সেবি পা দুখানি!-

# এই ডিজিটাল সংস্করণ সম্পর্কে

এই ই-বই অনলাইন গ্রন্থাগার [উইকিসংকলন](#)<sup>[১]</sup> হতে প্রাপ্ত। স্বেচ্ছাসেবীদের দ্বারা নির্মিত এই বহুভাষী ডিজিটাল গ্রন্থাগার উপন্যাস, কবিতা, পত্র-পত্রিকা ইত্যাদি সমস্ত ধরনের প্রকাশনার মুক্ত সংকলন গড়ে তোলার জন্য অঙ্গীকারবদ্ধ।

আমরা কপিরাইটমুক্ত অথবা মুক্ত লাইসেন্সের অধীনে প্রকাশিত বইগুলিকে বিনামূল্যে প্রদান করে থাকি। আপনি আমাদের ই-বইগুলিকে [ক্রিয়েটিভ কমন্স অ্যাট্রিবিউশন-শেয়ারঅ্যালাইক ৩.০ আনপোর্টেড](#) লাইসেন্স<sup>[২]</sup> বা [জিএনইউ ফ্রি ডকুমেন্টেশন লাইসেন্স](#)<sup>[৩]</sup> শর্তাধীনে বাণিজ্যিক উদ্দেশ্য সহ যে কোন উদ্দেশ্যে ব্যবহার করতে পারেন।

উইকিসংকলন সর্বদা নতুন সদস্যদের জন্য উন্মুক্ত। এই ই-বইয়ে কিছু ভুল ভ্রান্তি থেকে যাওয়া সম্ভব, সেক্ষেত্রে আপনি [এই পাতায়](#) জানাতে পারেন<sup>[৪]</sup>।

নিম্নে তালিকাভুক্ত ব্যবহারকারীরা এই ই-বইয়ে অবদান রেখেছেন:

- অভিজি দাস
- Bodhisattwa
- Mahir256

- 
1. [↑ https://bn.wikisource.org](https://bn.wikisource.org)
  2. [↑ https://creativecommons.org/licenses/by-sa/3.0/deed.bn](https://creativecommons.org/licenses/by-sa/3.0/deed.bn)
  3. [↑ http://www.gnu.org/copyleft/fdl.html](http://www.gnu.org/copyleft/fdl.html)

4. [↑ https://bn.wikisource.org/wiki/ঊইকিসংকলন:লিপিশালা](https://bn.wikisource.org/wiki/ঊইকিসংকলন:লিপিশালা)